

EDITORIAL

Maghanda sa masunod nga halintang sang kahublagan protesta batuk sa korapsyon kag pasismo sang rehimen Marcos

Mas o menos tatlo ka bulan ang ginlawig sang nagligad nga halintang sang kahublagan protesta batuk sa korapsyon kag burukrata kapitalismo. Una ini nga naglupok sadtong Septyembre, kag naglab-ot sa pungsodnon nga koordinado nga demonstrasyon sining nagligad nga Nobyembre 30. Kada semana sa tunga-tunga may mga *walkout* kag demonstrasyon sang mga estudyante sa mga unibersidad halin norte sang Luzon tubtob sa mga syudad sang Kabisayaan kag Mindanao. Sa lain-lain nga komunidad, banwa, pabrika, opisina kag simbahan, nag-rali kag nagmartsa ang lain-lain nga sektor nga ginhugpong sang komon nga pag-kangil-ad sa korapsyon kag dunot nga sistema.

Nagsugod sa iskandalo sang binil-yon ka piso nga kikkab sa maanomali-ya nga *flood control projects*, sang ulihi nagtuhaw ang iban pa nga pare-ho ka garuk nga dagway sang korap-syon sa gobyerno. Nabuyagyag ang maanomaliya nga "farm-to-market road" kag lain-lain pa nga ginpatindog nga mga imprastruktura. Nabuyagyag man ang ginatos ka bilyon ka piso nga mga "alokabol" sa pungsodnon nga badyet, kag ilegal nga paggamit ni Marcos sa pondo sang PhilHealth.

Nagsugod sa panawagan "ta-nan nga imbolbado, dapat mana-bat" kag pagbatikos sa mga opisyal sang Department of Public Works and Highways (DPWH) kag mga kakunsabo nga kontraktor, kongres-man kag mga senador. Wala nagdugay, singgit sang mga pamatan-on kag lain-lain nga sektor, "Marcos, Duterte palayason!," pagkatapos mabuyagyag nga mismo si Marcos ang Hari sang Pagpangkaw-kaw nga yara sa putok-putok sang binukid nga kinawat nga manggad,

kag si Sara Duterte ang Reyna sang Korapsyon nga nagwaldas sang gina-tos ka milyon nga pondo sang pumu-luyo. Nagalapta subong ang estorya sang pagtukod sang pungsodnon nga konseho pang-transisyon, agud igiit ang interes sang mga demokratikong sektor sa ano man nga ibulos nga gobyerno.

Ang pagbaha sang protesta halin Septyembre makumparar sa makasay-sayan nga mga pag-agos

sang protesta sa pungsod. Sang nagli-gad nga mga dekada, pila ka sulit nga naglupok ang gamhanan nga kahubla-gan sang pumuluyo, nga duha ka sulit nga nagpukan sa nagapungko nga presidente (Marcos sadtong 1986 kag Estrada sadtong 2001). Dugang sa mga ini ang makipungsodnon nga pag-alsa sang mga pamatan-on sadtong First Quarter Storm sadtong 1970, mga welga sang banwa sadtong 1989-1990, mga rali batuk sa korap kag pa-sista nga rehimen Arroyo kag lapna-gon nga demonstrasyon kontra sa *pork barrel* sadtong 2013-2014.

Laragway sang malapad kag ma-dalum nga kaakig sang pumuluyo ang paglupok sang kahublagan protesta. Ang madasig nga pagbulwak sini pati-maan sang naga-indakal nga kaakig sang pumuluyo sa wala-untat nga



pagtimbuok sang presyo, paglansang sang sweldo kag pangkabug-osan nga pagbulusok sang ila palangabuhian, sa idalum pa ni Duterte kag ilabi na halin sang magpungko si Marcos. Labi nga nagdaba-daba ang kaakig sang pumuluyo sa atubang sang lapnagon nga kalamidad halin Cebu tubtob Palawan dala sang bagyo kag mga bulok nga proyektong *flood control*. Ang pagbulsang sa binilyon ka piso nga kwarta sang pungsod nag-gatong sa wala nagakadula nga pagkangil-ad sang pumuluyo sa mga kawatan nga pamilya Marcos.

Nalubong sa madalom nga pang-pulitika nga krisis ang rehimen Marcos tungod sa pagragasa sang mga hublag protesta. Labi ini nga nauyog sang ginbuyagyag nga nagbaton mismo si Marcos sang indi magnubo sa ₱25 bilyon nga kikkab ukon "SOP" kabaylo sang mga proyektong imprastruktura nga ginmando niya nga ipasulod sa badyet. Sa pagtilaw nga tabunan si Marcos, pila ka mga matag-as niya nga opisyal ang ginsakripisyo kag gin-pangkakas. Lakip sa ila ang pinuno sang gabinete nga ginpangalanan nga imbolbado sa anomaliya.

Gintukod ni Marcos ang "independyenteng komisyon" para kuno mag-imbestigang sa mga anomaliya, apang para lang taguon ang papel

sang Malacañang sa korapsyon. Para palukpon kag pakalmahon kag ipalayo sa iya ang kaakig sang pumuluyo, ginaduso subong ni Marcos nga kasuhan kag arestuhon ang pila ka dalagko nga mga kontraktor kag kilala nga mga pulitiko.

Naga-postura nga kontra-korapsyon si Marcos santo sa panugyan sang imperyalistang agalon agud ubosan sang hangin ang kahublagan protesta kontra korapsyon. Kabulig niya ang pila ka lider sang Akbayan nga grabe ang pagtinguha nga lisuon ang kahublagan kontra-korapsyon halin sa pagpasabat kay Marcos kag tabunan ang panawagan para sa iya paghalin sa poder. Sa panugyan pa gihapon sang US, ginmando ni Marcos ang liwat pagpasaka sang sweldo sang mga soldado kag pulis, sa katuyuan nga konsolidahon ang iya kontrol sa AFP kag PNP, kag mas hugot nga magamit ang mga ini sa brutal nga todo-gyera batuk sa masang mangunguma sa kaumhan kag pagtapna sa nagahana nga mas paglapnag sang mga protesta sang pumuluyo sa maabot nga panahon.

Pagkatapos nga tayuyon nga nagsulong halin Septyembre, yara sa halintang subong sang konsolidasyon ang kahublagan protesta batuk sa korapsyon kag burukrata kapitalismo

—pagpabaskog kag paghanda para sa liwat pagbwelo. Hangkat sa mga pwersang pungsodnon-demokratiko nga yara sa unahan nga hanay sang kahublagan protesta nga magsuma kag magkuha sang leksyon halin sa nagligad nga tatlo ka bulan. Hangkat nga pabakuron kag palaparon ang ila mga organisasyon, labi pa nga palaparon ang ila mga alyansa kag paligunon ang panindugan kag determinasyon nga pakig-awayan ang korapsyon sang rehimen US-Marcos.

Hangkat sa ila nga tayuyon nga maghanda sa masunod nga halintang paagi sa paglab-ot kag pag-organisa sa mas madamo pa nga mga pabrika, imol nga komunidad, eskwelahan kag iban pa nga sentro sang populasyon sa bug-os nga pungsod, kag padamunon ang mga aksyon protesta sang masa sa ila mga lokalidad. Hangkat nga padalumon ang paghangup sang burukrata-kapitalismo, sa lain-lain nga dagway sini, kag sa mga ugat sang problema sang pag-antus sang pumuluyo. Pila ka sulit nga palaparon ang alyansa kontra-korapsyon kag paghugton ang paghiliusa batuk sa paghari sang mga Marcos kag Duterte. Hangkat man nga ibuyagyag ang mga peke nga progresibo nga lider kag mga ultra-konserbatibo agud makabig ang masa nga kontra-korapsyon nga ginatiplang kag ginalihis nila sa sayup nga banas sang pagluhod-luhod sa hari sang korapsyon.

Hangkat sa Partido kag mga rebolusyonaryong pwersa nga magpabaskog sa tunga sang nagapadayon nga malapad nga kahublagan kontra-korapsyon sang pumuluyo kag pakig-away sa pasismo sang rehimen US-Marcos. Labi pa nga palaparon ang likom nga mga asosasyon masa agud tayuyon nga pukawon kag engganyuhon ang malapad nga masa sang pumuluyo nga isulong ang demokrati-kong rebolusyon sang banwa bilang matuod nga solusyon sa krisis. Sa atubang sang grabe nga pagkaakig sa malala nga kagarukan sang bug-os nga reaksyonaryong estado, tuman ka paborable subong sang sitwasyon nga magrekrut para sa Bagong Hukbong Bayan kag isulong ang inaway banwa sa kaumhan.

 Tuig LVI No. 23 Disyembre 7, 2025	
Ang Ang Bayan ginabantala sa lenggwahe nga Pilipino, Bisaya, Iloko, Hiligaynon, Waray, Ingles kag Espanyol. Nagabaton ang Ang Bayan sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauwang sang aton pahayagan.	
Kaundan Editorial: Maghanda sa masunod nga halintang sang kahublagan protesta batuk sa korapsyon kag pasismo sang rehimen Marcos1 Linibo, liwat nagtindog kontra korapsyon3 Wala nagapuas nga mga hublag3 Barahubal nga pagpangkawkaw ni Marcos4 Nagapabaskog ang KM para sa DRB5 Edukasyon para sa komunista nga paghorma6 Pasismo sa pusod sang mga pungsod imperyalista7 Sa malip-ot nga pulong8 4 soldado, napatay sa mga engkwentro9 Paghari militar sa isla sang Samar kag Kalinga9 Mga protesta9 Hilwayon ang mga mariposa!10	
Ang Ang Bayan ginabantala duha ka beses kada bulan sang Komite Sentral sang Partido Komunista ng Plipinas	
 ang.bayan@cpp.ph	

Linibo ka Pilipino, liwat nagtindog kontra korapsyon

Liwat nagmartsa sa kadalanan sadtong Nobyembre 30 ang linibo ka Pilipino sa lain-lain nga bahin sang pungsod agud magprotesta batuk sa nagakabuyagyag nga lapnagon nga korapsyon sa gobyerno. Kadungan ini sa pagdumdom sa ika-162 nga kaadlawan sang amay sang rebolusyon Pilipino nga si Andres Bonifacio.

Sa adlaw nga ini, naglanog ang mga panawagan sang pumuluyo nga pasabton ang tanan nga imbolbado sa korapsyon, pagbungkag sa mga dinastiya sa pulitika, kag pagpahalin sa poder sa presidente nga si Ferdinand Marcos Jr, bise presidente nga si Sara Duterte, kag iban pa nga mga korap nga opisyal.

Sa pagpanguna sang Kilusang Bayan Kontra Kurakot (KBKK), masobra 20,000 ang nagtipon sa Luneta Park sa Manila para sa protestang Baha sa Luna 2.0. Gintilawan sang rehimen Marcos nga idiskaril ang hublag sa pagdumili sa ila nga makatipon kag makalunsar sang programa. Wala napunggan sang pagpangsabotahe ang singgit sang pumuluyo para sa pagpasabat kag hustisya.

Nagtambong sa hublag ang lain-lain nga mga grupo, pwersa kag sektor lakip ang mga mamumugon, mangu-nguma, imol sa syudad, estudyante, kababaehan, kag tawong simbahan. Kaangay sang nauna nga gindeklarar sang KBKK, bukas sini nga ginbaton ang lain-lain nga panawagan sang mga grupo lakip ang pagpahalin kanday Marcos kag Duterte kag pagtukod sang isa ka *transition council*.

Linibo man ang nagtipon sa protesta nga Trillion Peso March 2.0 nga ginhiwat sa EDSA sa Quezon City. Ginpangunahan ini sang Simbahan Katoliko kag iban pa nga mga grupo kag partido nga nagabug-os sang Trillion Peso March Movement (TPMM).

Antes ang mga hublag, gintinguhaan apang napaslawan ang KBKK nga maghiusa sa TPMM para sa isa ka protesta sa Metro Manila. Indi magpasugot ang mga grupo sa TPMM, partikular na ang Akbayan, nga hayagan nga dal-on sang mga grupo nga napaidalum sa KBKK ang mga panawagan nga

lubos nga nagatum-ok kay Marcos sa pagka-imbolbar sa sistemang korapsyon.

Sa guwa sang Metro Manila, naghublag man ang mga grupo nga alyado sang KBKK sa Baguio City, La Union, Ilocos Sur, Ilocos Norte, Isabela, Tarlac, Calamba City, Cavite, Oriental Mindoro, Legazpi City, Naga City, Antique, Capiz, Aklan, Iloilo City, Bacolod City, Cebu City, Tacloban City, Davao City, Cagayan de Oro City kag sa General Santos City. Nareport man ang mga misa, pagtipon kag martsa sang mga kaparian kag lider sang simbahan, kaupod ang pumuluyo, sa indi magnubos sa 86 ka diyosesis sa bug-os nga pungsod.

Sa guwa sang Pilipinas, naglabot sa halos 2,000 ka Pilipinong migrante kag mga alyado sa 30 ka syudad sa 23 ka pungsod ang nagpakigbahin sa pangkalibutan nga hublag kontra korapsyon. Ginpangunahan ang mga protesta sang bag-o lang natukod nga KBKK-Global.

Step down kontra step up

Labi nga nakihad ang kinalain sang panawagan sang mga grupo kaangot sa pagpasabat kay Marcos mismo. Nagpamalibad ang Akbayan, isa sa mga nagapanguna sa TPMM, nga kilalahon ang kagrabehon sang korapsyon ni Marcos kag imbes nagpanawagan ini nga mag-"step-up" siya sa pakig-away sa korapsyon. Grabe ka taliw-as ini sa panindugan sang KBKK nga dako ang salabton ni Marcos sa sistemang korapsyon sa gobyerno.

Nagapanawagan man ang Akbayan kay Marcos nga himuon nga prayoridad ang "anti-dynasty bill," bisan pa ang pamilya sini ang pinaka-bangkarote nga dinastiya sa pulitika.

"Step down" (magpanaog ka na)

Wala nagapuas ang mga hublag

ANTES KAG PAGKATAPOS sang Nobyembre 30, tayuyon ang paglunsar sang KBKK sang mga Black Friday Protest kag iban pa nga mga hublag.

Unod sadtong Nobyembre 21 ang pungsodnon nga *walkout* sang Youth Rage Against Corruption. Nagmartsa ang 1,500 ka pamatan-on sa Mendiola sa adlaw nga ini. Pagkasunod nga adlaw, separado nga aktibidad ang ginlunsar sang Seniors Kontra Kurakot kag mga siklista bilang protesta.

Sadtong Nobyembre 28, isa ka pungsodnon nga *sit-down strike* kag protesta ang ginpangunahan sang Alliance of Concerned Teachers-Philippines. Nakig-isa man sa aktibidad ang mga manunudlo sa masobra 400 ka pangpubliko nga eskwelahan sa 14 ka rehiyon sa pungsod.

ang panawagan sang Bagong Alyan sang Makabayan (Bayan, kabahin sang KBKK) kay Marcos. Ini para mahatagan sang dalan ang isa ka hilway kag maid-id nga imbestigasyon batuk sa korapsyon, kag atubangon ang salabton sa iya mga krimen batuk sa pumuluyong Pilipino.

Pagkatapos sang protesta sang KBKK sa Luneta Park, ginpamunuan sang Bayan ang martsa padulong sa Mendiola agud sukton si Marcos. Ginpanawagan sang grupo ang pagpahalin kay Marcos kag Duterte. Panawagan nila nga buslan sila sang isa ka *national transition council*. Kaangay sang nagligad, ginpunggan sila sang linibo ka pulis kag natulod nga magprograma sa atubang sang University of the East sa Recto Avenue. Nag-upod man sa martsa sang Bayan ang Partido Lakas ng Masa, Bukluran ng Manggagawang Pilipino kag Sanlakas.

Sa pagtapos sang programa sa Recto Avenue, ginwasak sang mga raliyista ang *effigy* ni Marcos nga nagsuksok sang korona kag *sash* nga may nakapinta nga bandera sang US. AB

Barahubal nga pagpangkawkaw ni Marcos sa kaban sang pungsod

I ndi na mahimutig nga si Ferdinand Marcos Jr ang utok kag pinakadako nga buaya nga dapat pasabton sa lapnagon nga korapsyon sa gobyerno. Sang nagligad nga halos tatlo ka bulan, tayuyon nga nabuyagyag ang mga korapsyon nga direkta siya nga imbolbado, ang iya pamilya kag pinakalapit nga mga opisyal. Yara sa bibi sang kamatayon ang ICI, ang gintukod niya nga komisyon para pakalmahon ang kaakig sa korapsyon kag tinluan ang iya ngalan.

Kabulig sang iya mga opisyal sa departamento kag mga kahimbon sa kongreso kag senado, ginbalik niya ang sistema sang *pork barrel fund* sa dagway sang mga "allocable." Naghugakom siya sang binilyon nga kaugalingon nga *pork barrel* sa dagway sang *confidential and intelligence funds*, kag pondo para sa *unprogrammed appropriations* (UA). Naga-atubang siya sa mga anomaliya nga posible basehan para siya ma-impeach.

Paggamit sang UA sa flood control

Sining Disyembre, ginbuyagyag ni anay Justice Antonio Carpio sang Korte Suprema ang pamatuod sang angot sang pagsaylo sang pondo sang PhilHealth kag mga maanomaliya nga proyektong *flood control*. Sadtong 2024, nangin kabahin sang UA ni Marcos ang ₱60 bilyon nga pondo sang PhilHealth nga "ginbalik" sa gobyerno. Magluwas diri, ginsaylo man sa UA ang ₱170 bilyon nga kita sang Philippine Deposit Insurance Corporation (PDIC). Gingamit ni Marcos ang ining UA para pondohan ang palpak kag *ghost* nga mga proyektong *flood control* (₱170 bilyon) kag iban pa nga kaangay sang Davao Bypass Road Project.

Suno kay Carpio, lapas sa konstitusyon ang ginhimo nga pagsaylo sang pondo sa UA ni Ralph Recto, anay tiglikom sa pinansya kag subong executive secretary ni Marcos.

Nagdesisyon sang sini lang ang Korte Suprema nga iligal ang pagsaylo kag ginapabalik ang pondo sa PhilHealth.

Kikbak, ismagling kag manipulasiyon sa presyo

Halin Nobyembre 14, pito ka bidyo

ang ginpaguwa ni Elizalde Co, anay tiglawas sang Ako Bicol Partylist kag pinuno sang komite sa badyet sa Kongreso, nga nabuyagyag sa korapsyon sang pamilya Marcos. Sa una nga tatlo ka bidyo, ginbuyagyag ni Co ang pagmando sa iya ni Marcos nga isingit sa badyet para sa 2025 ang mga proyektong nagabalor sang ₱100 bilyon. Ginabana-bana nga nakakuha si Marcos diri sang ₱25 bilyon nga kikbak. Suno kay Co, nakadeliber siya sang masobra ₱50 bilyon nga balor sang amo nga kikbak kay anay house speaker Rep. Martin Romualdez kag Marcos halin 2022.

Sa separado nga bidyo, ginbuyagyag ni Co ang pagmando sa iya sang bata sang presidente nga si Rep. Sandro Marcos nga magsingit sang ₱50.9 bilyon sa mga badyet halin 2023 tubtob 2025 para sa kaugalingon niya nga kikbak. Sa isa pa ka bidyo, ginupod ni Co ang asawa ni Marcos nga si Liza Araneta-Marcos sa lapnagon nga ismagling sang bugas, isda, kag utan. Suno sa iya, ginpungan ni Araneta-Marcos ang imbestigasyon sadto sa Kongreso sa ismagling sang bugas kag sibuyas. Ini para tabunan ang papel sang iya utod nga si Martin Araneta nga pasimuno sang ismagling kag manipulasiyon sang presyo sang bugas kag mga utan halin 2022.

"Allocable" bilang bag-o nga pork barrel

Halin 2022, ginsingit sang rehi-men Marcos, kakunsabo nga mga kongresista kag senador, ang *pork barrel* sa badyet sa ginatawag sini nga mga "allocable" ukon "pwede ta-



lanaan." Sa simple nga paghambal, ang *allocable* gintalana nga balor nga makadto sa kada kongresista pang-distrito. Nalakip ini sa National Expenditure Program sang presidente sa idalum sang badyet sang Department of Public Works and Highways (DPWH). Makuha sang isa ka kongresista ang iya "allocable" paagi sa pagpasa sang mga panugyan nga imprastruktura nga basbasan naman sang presidente.

Sa imbestigasyon sang Philippine Center for Investigative Journalism (PCIJ), nag-guwa nga si Rep. Marcos ang may pinakadako nga *allocable* (₱15.79 bilyon) halin 2023 tubtob 2025. Nagapangaduha sa iya ang iya tiyo nga si Rep. Romualdez nga nakahugakom sang ₱14.43 bilyon. Naglabot sa ₱1.2 trilyon ang pangkabug-osang *allocable* nga gintunga-tunga sang 254 ka kongresista sa 14 ka rehiyon sang nagligad nga tatlo ka tuig.

Unod pa gihapon sang badyet para sa 2026 ang mga *allocable*. Nagtalana ang Kongreso para sa kaugalingon sini sang ₱400 bilyon. Gin-ilisan sang mga kongresista ang ginapangayo nila nga mga proyektong *flood control* padulong sa mga proyektong *farm-to-market road*, irigasyon, klasrum, mga pasilidad pang-ikaayong-lawas, pabalay kag bilding para paluparan. Ini para likawan nga makakas sa badyet ang ila pondo. May natalana man nga ₱100 bilyon nga *non-allocable* nga gintawag nga "free-for-all" nga *pork barrel*. AB

Nagapabaskog ang Kabataang Makabayan para sa inaway banwa

Bilang pagsaulog sang ika-61 nga anibersaryo sang Kabataang Makabayan (KM) sadtong Nobyembre 30, naglunsar sang pagtuon, asembliya, rali kag iban pa nga aktibidad ang mga tsapter sini. Pagtinguha man ini sang KM nga papagsikon ang kahublagan likom sa kubay sang mga pamatan-on, agud pabaskugon ang pagpakigbahin nila sa rebolusyonaryong kahublagan.

Ginpabaskog sang KM ang kaugalingon samtang nagapanguna ang mga pamatan-on Pilipino sa lapnagon nga mga protesta kontra korapsyon sa bug-os nga pungsod halin pa sang Septyembre. Gina-engganyo sang KM ang mga pamatan-on nga padayon nga pabaskugon ang ila singgit kag pakigbato sa korapsyon kag burukrata kapitalismo. Kadungan sini, gina-athag nila nga ang matuod nga pagbag-o maa-gum lang sang mga pamatan-on kag pumuluyo paagi sa inaway banwa.

Tun-an ang inaway banwa

Sa Manila, isa ka tsapter sang KM sa isa ka kolehiyo ang nagtipon para talakayon ang sinulat ni Ka Amado Guerrero nga Ang mga Partikular nga Kinaiya sang Aton Inaway Banwa. Ginpili nila ang sinulat agud tun-an ang inaway banwa nga ginalunsar sang Bagong Hukbong Bayan (BHB), mahangpan ang mga partikularidad sini kag mahibalan ang mga pamaagi sang pagpasulong sini halin sa isa ka halintang padulong sa isa pa.

"Napadalum sini ang paghangup ko sa inaway banwa," pagpaambit ni Ka Sharon, bag-o nga rekrut sa KM. "Sa pihak sang sahi nga ginhalinan ko, mas nagakalangag ako subong nga magpakigbahin sa masunod nga grupo sang mga estudyante nga makigbahin sa rebolusyonaryong intergrasyon," suno kay Ka Len.

Ululupod man nga nagtana ang mga myembro sang KM sang dokumentaryo sang Sine Proletaryo nga Buhay Komunista 2, nagtuon sang rebolusyonaryong ambahanon nga Pagbati (Panamyaw), kag nagbasa sang binalaybay nga Ang Gerilya Ay Tulad Ng Makata

(Ang Kabuhi Kaangay sang Mamamalaybay) ni Kaupod Jose Maria Sison. Nagtalakayan man ang tsapter tuhoy sa pagpatuhaw sang rebolusyonaryong literatura kag ang pagkaanggid sini sa gerilyang pakig-away.

Nagpahayag sang optimismo ang opisyal sang tsapter nga si Ka Ces sa positibo nga ibunga sang ila nalunsar nga pagtipon. "Kabay nga mahatagan kita sang ikasarang sa mga talakayan nga ini nga mas pa pandayon ang aton mga kaugalingon sa patag sang ideolohiya," suno sa iya. Mas kuno nga kinahanglan ini sang mga myembro sang KM sa atubang sang nagasingki nga pangpulitika nga sitwasyon sa idalum sang rehimen Marcos.

Mga rali, asembliya kag OP-OD sang KM

Sa pihak sang pasistang pagpangsumpo sang rehimen, desaysibo nga nalunsar sang mga tsapter sang KM ang mga rali, asembliya kag operasyon pinta-operasyon dikit (OP-OD) sa pila ka lugar. Maayo nila nga ginplano ang

mga ini agud maseguro ang kaluwasan sa seguridad sang kada aktibidad.

Sadtong Nobyembre 27 kag 28, kag Disyembre 5, naglunsar sang rali ang mga tsapter sang KM sa Quezon City kag Manila. Bitbit ang mga bandera sang KM, nagpanawagan sila sa mga pamatan-on kag pumuluyong Pilipino nga magpatapo sa BHB kag ihalad ang kusog, kaalam kag ikasarang sa pagpasulong sang inaway banwa.

Sa Metro Manila, tatlo ka asembliya sang KM ang natigayon sadtong Nobyembre. Samtang, nalunsar sang OP-OD ang mga tsapter sang KM sa De La Salle University (DLSU)-Manila, DLS-College of St. Benilde, University of the Philippines (UP)-Manila kag Polytechnic University of the Philippines sa Manila. Ginkasa man ini sang KM sa UP Los Baños, sa Calamba City sa Laguna, kag sa UP Cebu. Sa Canada, ginreport man sang isa ka tsapter sang KM nga ginabug-os sang mga pamatan-on nga Pilipinong migrante kag *diaspora* ang paglunsar sang OP-OD.

Wala-tuo man ang pagpahayag sang mga tsapter sang KM agud saulogon ang anibersaryo sini. Ginsaluduhan nila si Ka Joma, ang tsirman sang pagkatukod sang KM, para sa baol sang manggad nga pagtulun-an nga ginbiling niya para sa mga pamatan-on sa pagpasulong sang rebolusyon Pilipino. Lakip sa mga nagpaguwa sang pahayag ang mga tsapter sini halin sa rehiyon sang Ilocos, Metro Manila, Negros Island, Panay, kag sa Laguna, Cavite kag Cebu.

"Sa aton paglubog sa masa, makahas naton nga pandayon ang aton panindugan. Ginapanawagan kita nga magbiya na sa aton komportable nga kabuhi kag naandan...mas may kahulugan ang sakripisyo para tapuson ang dunot nga sistema," pahayag sang KM. **AB**



Edukasyon para sa komunistang paghorma sang mga hangaway

Sa hukbo sang banwa, malahalón ang pagtuon agud mahorma ang mga hangaway bilang mga proletaryong rebolusyonaryo.

Sa Luntian, isa ka yunit sang BHB sa Southern Tagalog, ginapaseguro sang Partido sa sulod sini nga mapasaka ang lebel sang teoritikal nga paghakos sang Marxismo-Leninismo-Maoismo. Hugot sini nga ginaangot ang teorya sa kongkreto nga rebolusyonaryong praktika sang yunit.

"Ang nangin hangkat sa pagpatuman sang hilikuton edukasyon sa hukbo sang banwa amo ang kahimtangan sa sitwasyon militar," siling ni Ka Reymundo, kumander sang yunit. Halos isa ka tuig nga tayuyon ang manobra sang Luntian tungod sa ginpasingki nga mga operasyon sang Armed Forces of the Philippines. Nagdamo ang ginpakat nga mga tropa sini sa larangan gerilya. Ginpasingki man ang paggamit sini sang moderno nga mga armas kag teknolohiya.

Pagpapagsik sang edukasyon pangpartido

Nakatutok ang kampanyang edukasyon sang Luntian sa pagbalik-tuon sa kasaysayan kag mga sandigan nga paganalisa kag linya sang Partido. Pagsunod ini sa praktikal nga ubay nga gintalana sang Partido sa kahublagan panadlong. Halin 2024, ginlunsar sa yunit ang regular kag ispesyal nga mga kurso para balik-tun-an ang mga kasaypanan kag kahuyangan, kag hormahon ang mga kaupod bilang mga komunista. Lakip sa mga kurso ang Burukratismo, Kumandismo kag Liberalismo, Tadlungon ang mga Kasaypanan kag Liwat Tukuron ang Partido, Komunista, Mangin Abanse nga Elemento sang Proletaryado, Sandigan nga Konstitusyon sang Partido kag Programa para sa Demokratikong Rebolusyon sang Banwa.

Gina-updan ang mga pagtuon sang programa sang Kolektibong Basa kag Kolektibong Talakayan (KBKT) sang mga ginatun-an nga mga doku-

mento. Ini agud mapamilyarisa ang mga tumuluon sa kaundan sang mga kurso. Ginaengganyo sini ang mga kaupod nga sadto wala sang hilig nga magbasa ukon magtalakayan. Kon malipatan, mismo ang mga hangaway ang mamangkot: "Wala bala kita sang KBKT?"

Nangin matag-adlaw nga aktibidad man ang Rebokabularyo. Ginapakilala kag ginapahangup sa aktibidad nga ini ang mga mabug-at nga termino, layi, kag signipikante nga personahe nga yara sa mga ginatun-an nga topiko kada adlaw.

Kon mag-abot, gilayon nga ginatalakay ang mga mensahe sang Komite Sentral kag Komiteng Rehiyon sa mga anibersaryo sang Partido kag Hukbo. Ginatambungan ang mga ini sang mga kadre kag katapo sang Partido sa lain-lain nga lebel, kag pati rebolusyonaryong masa.

Nagapana sa mga kahuyangan

Hugot nga ginaangot sa kongkretong rebolusyonaryong praktika sang mga kaupod ang mga pagtuon. Ginakuha ang mga halimbawa sa aktwal nga inagihan sang yunit kag praktika sang mga kaupod.

Tungod diri, nangin alagyan ang mga pagtuon sang unipikasyon sang mga pagtasa kag pagsuma sa mga hambalanon nga ginaatubang sang yunit.

Nagakaengganyo ang mga kaupod nga balikan ang kaugalingon nga rebolusyonaryong praktika sa panahon sang mga pagtuon kag gamiton ini nga ubay sa pagsuma sa kaugalingon. Sa panahon sang mga talakayan, mas mamag-an na nga maplastar sa mga kaupod ang mga kasaypanan kag kahuyangan sang indibidwal.



"Madamo nga beses ako nga nai-go sa pagtuon, sa mga dapat himuon, kag kon ano gid ang buot silingon sang bug-os taguipusoon nga pag-alagad," suno sa isa ka estudyante sa pag-ebalwar sang pagtuon nga may topiko sang pamaagi kon paano magpakamaayo bilang proletaryado.

Pagpangibabaw sa empirismo

Ang pagpasaka sang praktika sa teoritiko nga lebel sang mga kaupod yabe sa pagpangibabaw sa empirismo. Ubay ini sa mga pagtasa kag pagsuma. Katuyuan sini nga gikanan sang mas mataas nga rebolusyonaryong praktika.

Sa mga pagtuon, ginaengganyo ang mga kaupod nga mangin mas kritikal sa kaugalingon kag sa iban nga mga kaupod tuhoy sa mga sayup nga estilo sang pagtrabaho. Dako ang bulig sang mga ini sa pagpangibabaw sang madamo nga indibidwal kag kolektibo nga kahuyangan sang yunit. Yabe man ang mga ini sa pagresolbar sang mga banggi-anay nga naghalin sa magkatuhay nga ideya, praktika kag estilo.

"May mga banggi-anay sa pagtmod sang husto kag sayup sa praktika, pagluntad sang empirismo kag indibidwalismo, nga tayuyon nga ginapangibabawn sang yunit," suno kay Ka Reymundo. Sa akon pagtan-aw, may pag-uswag na sa mga banggi-anay nga ini. Amat-amat na nga nagabag-o ang mga sayup nga gawi kag praktika sang mga kaupod.

"Mas estrikto na ang yunit sa pagpatuman sa mga nahiusahan," suno sa iya.

AB

Pasismo sa pusod sang mga pungsod imperyalista

Madinalag-on nga ginhiwat sang National Democratic Front of the Philippines (NDFP) ang ikalima nga internasyunal nga teoritikal nga kumperensya nga may tema nga Pasismo sa Ika-21 Siglo sa Pusod sang mga Pungsod Imperyalista. Ginpatigayon ini halin Nobyembre 28 tubtob 29 sa Utrecht, The Netherlands.

Gintambungan ang kumperensya sang 125 ka indibidwal halin sa 71 ka partido komunista kag organisasyon masa. Duha ka napulo sa mga partido kag grupo nga ini ang nagpasa sang mga kontribusyon nga gintalakay sa kumperensya. Ginhalad sang NDFP ang kumperensya sa handurawan ni Ka Louie Jalandoni, proletaryong internasyunalista kag martir sang rebolusyon Pilipino.

Naglab-ot ang 2-adlaw nga kumperensya sa teoritikal kag istorikal nga paghangup sa pasismo halin sa mga sinulatan nanday Lenin, Stalin kag Mao. Ginpalig-on sini ang kahulugan sang pasismo santo sa konsepto ni Georgi Dimitrov, isa ka komunistang Bulgarian nga nagserbe nga pinuno sang Communist International sadtong dekada 1930. Siling ni Dimitrov, ang makasahi nga kinaiya sang pasismo yara sa dagway sang "hayag nga diktadurya sang pinaka-reaksyonaryo, pinaka-sobinista kag pinaka-imperyalista nga elemento sang kapitalismo sa pinansya." Kinaiya sang monopolyo kapitalismo nga lubong sa krisis ang pagka-kontra-komunista, ultra-reaksyonaryo, kag pagkapintas sa pagsumpo sa sahing mamumugon.

Gintalakay sa kumperensya ang liwat pagbwelo sang pasismo dulot sang krisis sang pangkalibutanon nga kapitalistang sistema, ilabi na pagkatapos sang krisis sa pinansya sadtong 2008-2009. Gintumod nila ang mga manifestasyon sang pasismo kag pasisasyon sa mga imperyalistang pungsod nga nakatutok sa mga masunod: 1) pasisasyon sang burgis nga estado; 2) paggamit sang AI (artificial intelligence) kag abanse nga teknolohiya para sumpuon kag labi nga himuslan ang sahing mamumugon; 3) pagsingki sang sobinismo kag reaksyonaryong mga ideolohiya; kag, 4) pag-usbong sang

mga pasista nga kahublagan masa.

Ang pasisasyon sang burgis nga estado ang proseso kon diin nagakahublasan ang burgis nga liberal nga demokrasya kag nagakabuyagyag ang mas otoritaryan kag mapanumpo nga mga tikang padulong sa hayag nga paghari sang teror.

May mapagsik nga bayluhanay bahin sa inter-aksyon sang pasismo sa mga imperyalistang pungsod kag sa mga neokolonya, kon diin sandigan nga kinaiya sang estado ang pasismo. Sa mga malakolonya una nga gintilawan kag ginpatuman sang imperyalismo ang mga ekspermento sa paggamit sang terorismo sang estado. Ginagamit sini ang programa nga kontra-insurhensya, ayuda militar kag manipulasyon kag mga mapintas nga pagpangsumpo sa mga pumuluyo.

May partikular nga talakayan sa pinasahi nga inagihan sang Ireland, nga nagakabig sang kaugalingon bilang kapitalistang malakolonya, kag Palestine, isa ka okupado nga pungsod. Sa mga kahublagan sa paghilway sa mga pungsod nga ini, naga-isa ang kontra-pasista kag kontra-imperyalista nga pakig-away.

Gintumod sang kumperensya bilang gilayon nga katungdanan sang proletaryo ang pagtukod sang "mapang-away nga mga organisasyon" agud tapatan ang gintukod nga "mapang-away nga mga organisasyon" sang mga pasistang kahublagan. Naghatag ang mga kaupod halin sa mga imperyalistang pungsod sang mga halimbawa sang mga kongkreto nga kontra-pasista nga pakig-away.

Ginhapag nila ang mga leksyon halin sa ila hilikuton masa, mga adbokasiya, pagdepensa sa kaugalingon kag pag-organisa sa sulod sang mga unyon, partido, organisasyon kag kahublagan. Gindun-an nila ang kakinahang-



lanon sang pagtukod sang malapad nga kontra-pasista nga nagahiliugyon nga prente sang mga mamumugon kag iban nga demokratikong sektor. Siling nila, ang pagtukod sang alyansa nga ini nagakahulugan sang pagsikway sang sektaryanismo kag konserbatismo, samtang mabinantayon sa mga sosyal demokrata kag iban pa nga oportunistang elemento. Kahibalo sila nga integral ang pagpamuno sang proletaryo sa nagahiliugyon nga prente agud i-angot ang mga paghimakas masa sa pagdula sang ugat sang pasisasyon. Yabe ang pagpamuno nga ini sa pagbungkag sa monopolyo kapitalismo kag diktadurya sang burgesya.

Kumbinsido ang mga nagtambong halin sa mga imperyalistang pungsod nga kinahanglan nga itukod ang maligon nga partido sang mga mamumugon. Kinahanglan nga ipatuman ang mga operasyon nga sekreto, kakumbina ang mga hilikuton hayag, para makapadugay sa atubang sang mga pasista nga atake kag lab-uton ang kadalagan para sa sahing mamumugon. Kinahanglan man nga labi nga palaparon ang paghiliusa sa mga paghimakas sa pusod sang mga pungsod imperyalista kag mga mala-kolonya.

Nagtapos ang kumperensya sa isa ka malip-ot nga kultural nga programa nga may tema nga "Halin sa Palestine tubtob Pilipinas, tapuson ang makina pang-gyera sang US," kadungan sa pagdumdom sa International Day of Solidarity with the People of Palestine (Pangkalibutanon nga Adlaw sang Pakig-isa sa Pumuluyong Palestino). **AB**

27.3%↑

ginsaka sa presyo sang mga pagkaon pang-*noche buena* halin 2011, ukon 2.3% kada tuig

Ginkuhaan: BusinessWorld Noche Buena Index



25 katuig na

ang **People's Liberation Guerilla Army**, armado nga kamot sang Communist Party of India-Maoist, sadtong Disyembre 2.



₱500

badyet para sa *noche buena* bastante na kuno para sa 5-tawo nga pamilya, suno sa Department of Trade and Industry.

Nakaagum ini sang grabe nga pagbatikos, kag gintawag sang mga mamumugon kag imol nga "lutaw" kag "maka-insulto."

17 COLD STORAGE FACILITY

(matugnaw nga bagsakan sang mga produkto para indi madunot)

nga gintukod sadtong 2022 kag nagabalar sang ₱20 milyon kada isa indi magamit tungod sa palpak nga desenyong kag konstruksyon



₱9.8 BILYON

pondo nga pang-ayuda sa idalum sang Assistance to Nationals sang Department of Foreign Affairs kag ₱1.2 bilyon nga ayuda sang Agarang Kalinga at Saklolo para sa mga OFW na Nangangailangan sang Department of Migrant Workers ang ginpaanggid sa mga *flood control* "ghost project" tungod wala ini matamasa sang mga migranteng Pilipino.



₱17.56 TRILYON

nga **utang sang Pilipinas** sadtong katapusan sang Oktobre 2025, mas mataas sa 10% halin ₱16.02 trilyon sadtong Oktobre 2024.

120.5% BED OCCUPANCY RATE

ukon isip sang **pasyente kada 100 ka kama sa mga ospital sa Pilipinas**. Bulnerable ang mga may balatian kag mamumugon pang-ikaayong-lawas tungod sa pag-ginutok sa mga ospital, patimaan nga yara sa krisis ang sistema pang-ikaayong-lawas.

27 WEBSITE

sang mga **alternatibong midya, organisasyon** masa kag iban pa ang ginmando sang korte nga i-"unblock" ukon himuon nga *accessible* liwat sa publiko;

Gin-apinan sang korte ang petisyon sang Bulatlat, isa sa mga ginpasira, nga ang ginhimo nga "pag-block" pag-sensor kag lapas sa kahilwayan sa paghambal, pagpahayag kag pagbantala.

4 soldado sang AFP, napatay sa mga engkwentro sa BHB

NAPATAY SANG Bagong Hukbong Bayan (BHB) ang apat ka soldado sang Armed Forces of the Philippines (AFP) sa separado nga engkwentro sa Samar kag Occidental Mindoro.

Sa pasiuna nga report, indi magnubo sa duha ka soldado sang 8th ID ang napatay sa armadong aksyon sang BHB sa Barangay Babaclayon, San Jose de Buan, Samar sadtong Disyembre 3. Sa Occidental Mindoro, duha ka soldado sang 76th IB ang napatay sa engkwentro sa Sityo Balite, Barangay Lumangbayan, Abra de Ilog sadtong Nobyembre 26. Madamo nga iban pa ang nareport nga napilasan sa mga soldado.

Samtang, sadtong Oktobre 28 tatlo ka tropa sang 62nd IB ang napatay sa engkwentro sa BHB sa Barangay Quintin Remo, Moises Padilla, Negros Occidental. Tungod sa ila kalutosan, nagpaulan sang bala ang 62nd IB kag napatay ang 6-anyos nga bata.

Paghari militar sa isla sang Samar kag Kalinga

Sa Samar, sugod Nobyembre 22 militarizado ang mga barangay Gereganan, Marcos, San Miguel kag kaiping nga mga komunidad sa Gandara. Tungod sini, masobra 100 ka residente sang barangay Marcos kag San Miguel ang napwersa nga magbiya sa ila mga balay. Nagpatuman man sang *hamlet* ang militar kag ginpunggan ang pagkadto sa bukid kag pagtrabaho.

Sa Northern Samar, naglunsar sang *aerial bombing* kag pag-istraping ang 8th ID sa Barangay Nipa, Palapag sadtong alas-2 sang kaagahon sang Nobyembre 29. Nagtuga ini sang grabe nga kahadlok sa mga residente.

Sa Kalinga, wala untat ang operasyon kombat sang 103rd IB sa mga barangay sang Pinukpuk sunod sang mga engkwentro sini sa hukbo sang banwa sadtong Nobyembre 21. Nagakampo ang mga soldado sa mga sentro sang komunidad nga naka-apekto sa palangabuhian kag seguridad sang pumuluyo. Sadtong Nobyembre 30, gin-abukay sang mga pulis ang balay sang tagpangapin sang tawhanon nga kinamatarung nga si Elma Awingan-Tuazon sa Barangay Cawagayan, Pinukpuk. Ginsulong sang 20 ka pulis ang iya balay sa pasibangod nga nagatago sang pilason nga hangaway sang BHB.

Sa iban nga bahin sang pungsod, nalista ang mga kaso sang pagaresto, pagpangsunog kag pagpang-ipit sang militar. Sa Navotas City, ginaresto sang mga pulis ang kontra-demolisyon nga lider-kababae nga si Jane Alfabeto sadtong Nobyembre 27.

Sa Negros Occidental, ginsunog sang 15th IB ang balay sang mangunguma nga si Carmelita Ulgasan sa Barangay Linaon sadtong Nobyembre 28 sa pasibangod nga tagasuporta sang hukbo sang banwa. Samtang, padayon ang pagpang-ipit sang Warden Jsupt. Crisyrel Awe sa mga bilanggong pulitikal kag iban pa nga priso sa bilangguan sa Bago City. Nagprotesta ang mga bilanggo kag pamilya agud pamatukan ini sadtong Disyembre 3.

Sa Masbate, ginkawat sang 2nd IB ang walo ka karabaw kag ba-ka sang mga mangunguma sa Lupaing Triple A sa Cawayan, Masbate sadtong Nobyembre 27. Antes sini, ginkawat man sang mga soldado ang ginasagod nga mga kasapatan sang mga mangunguma sa mga barangay sa banwa sang Mobo, Milagros kag Uson.



Israel kag US, ginpamatbatan nga may kasal-anan sa krimen sang henosidyo kag ecocide (pagwasak sang kapalibutan). Natapos ang International People's Tribunal (IPT) on Palestine nga ginhiwat sadtong Nobyembre 22-23 sa Spain sa pamatbat nga may kasal-anan ang Zionistang estado sang Israel kag kakunsabo sini nga gobyerno sang US, UK, Germany, France kag iban pa sa krimen sang henosidyo kag *ecocide*.

Sadtong Nobyembre 29, may pagtipon ang mga grupo nga maka-Palestine sa pagpanguna sang Philippines-Palestine Friendship Association agud talakayon kag palig-unon ang pamatbat sang IPT. Ginsundan ini sang malip-ot nga hublag sa atubang sang University of the Philippines-Manila kon diin ginhiwat ang pagtililipon.

2 ka adlaw nga pagpagahod sang tumandok nga Cordilleran sa NCR. Gin-deklarar sang mga tumandok halin sa Cordillera ang madinalag-on nga 2-adlaw nga pagpagahod sa pungsodnon nga sentro nga ginlunsar nila sadtong Nobyembre 25 kag 26. Katuyuan sang pagpagahod ang ipaabot sa mga ahensya kag departamento sang gobyerno, subongman sa Kongreso, ang mga reklamo sang mga tumandok halin sa rehiyon. Ginpangunahan ang pagpagahod sang Cordillera People's Alliance.

Plano nga demolisyon sa Taytay, ginkundenar. Nagprotesta sa atubang sang munisipyo sang Taytay, Rizal ang mga residente sang mga sityo nga Sapang Gody kag Siwang sang Barangay San Juan sadtong Nobyembre 26 agud manawagan sang dayalogo sa lokal nga gobyerno kag kundenaron ang peligro nga demolisyon sa ila lugar. Pilit nga gina-agaw sang Sta. Lucia Corporation kag ni Kristina Robles ang ginapatinungan sang ila balay.

Pamatan-on supak sa Davao Bus Project. Nagprotesta ang Anakbayan-SMR sadtong Nobyembre 24 sa Davao City, agud ipanawagan ang pagbasura sa peke nga modenisasyon kag kontra-pumuluyo nga Davao Bus Project (DBP) sang lokal nga konseho sang Davao City. Ginapilit ang proyekto sang Asian Development Bank, kakunsabo ang pamilya Duterte, sa syudad. Katuyuan sang proyekto nga lusawon ang nagagana nga sistema sang transportasyon sa Davao nga ginabug-os sang moderno kag tradisyunal nga dyip, traysikol kag bus. Pondohan ang DBP sang ₱54 bilyon nga utang halin sa ADB.

Hilwayon ang mga bilanggong pulitikal, hilwayon ang mga mariposa sang kahublagan para sa kahilwayan

Tuig-tuig, kada Nobyembre 25, ginadumdom ang International Day for the Elimination of Violence Against Women (IDEVAW). Pagkilala ini sa pagka-martir sang babaye nga mag-ulutod nga Mirabal nga ginpatay sang estado sang Dominican Republic sadtong 1960. Ginmando sadto sang diktador nga si Rafael Trujillo ang pagpatay sa mag-utod nga sanday Patria, Minerva kag Maria Teresa tungod sa ila pakig-away.

Ang mga mag-utod, kilala bilang mga mariposa sa ila pungsod, ang kabahin sa nagtukod sang kontra-diktadurya nga kahublagan "14th of June." Nangin simbolo sila sang kontra-diktadurya nga paghimakas sang Dominican Republic kag bisan sa iban nga pungsod. Ang ila kamatayon ang isa sa nangin mitsa sa pagkapukan sang diktaduryang Trujillo, anum ka bulan pagkatapos ang pagpatay.

Kaangay sang mag-ulutod nga Mirabal, linibo ka kababaehan sa Pilipinas ang ginagamit ang ila kaalam, kusog kag kabuhi agud pakig-awayan ang pasismo sang estado, ipakigbato ang kinamatarung sang kababaehan kag bag-uhon ang sosyedad. Kaangay sang Mirabal, kapintas man ang sabbat sa ila sang estado. Biktima sila sang pag-aresto, pag-abdak, detensyon, sekswal nga pagpang-abuso, pilit nga pagdula kag pagpamatay.

Kalakasan sang indi makatarungan nga pag-aresto kag detensyon

Lakip sa biktima sang kapintas sang estado ang mag-utod nga Banjawan. Gin-aresto si Fatima, organisador sang Gabriela Youth, sang 85th IB sadtong Agosto 2, 2024 sa Santa Elena, Camarines Sur. Pagkaligad sang pila ka bulan, gin-aresto si Pauline sang 59th IB sadtong Abril 26. Pareho sila nga ginpaidalum sa pisikal kag mental nga tortyur sang militar.

Sanday Fatima kag Pauline pila lang sa ginatos ka kababaehan nga biktima sang pag-aresto kag pag-abdak sa idalum sang rehimen US-Marcos.

Base sa lista sang grupong Kara-

patan, may 696 ka bilanggong pulitikal sa pungsod kon diin 164 ang gin-aresto sa idalum sang rehimen Marcos. Sa mga bilanggo, 146 diri mga kababaehan. Nakalista man ang Ang Bayan sang 63 ka kaso sang pag-aresto sang kababehan, tatlo sa mga ini may kaupod nga bata ukon lapsag sang gin-aresto, kag lima sa ila nagabusong. Kadam-an sa mga gin-aresto halin sa Negros (14), sunod sa Bikol (10) kag Southern Tagalog (9).

Target sang estado ang mga pamatan-on nga kababaehan nga ginpili nga mag-organisa kag mag-alagad sa kubay sang mga mamumugon, mangunguma, mangingisda kag tuman-dok. Lakip diri sanday Amanda Echanis, Michelle Campos, Emelyn Acevido, Charisse Bañez, Louvaine Erika Espina, Sofia Almonte kag Andy Magno. Sila iligal nga gin-aresto, gin-abdak kag ginbilanggo sa kampo sang militar kag ginpaidalum sa mental kag/ukon pisikal nga tortyur antes ginpasa sa kapulisan agud bilangu-



on. Ginpasakaan sila sang mga kaso kasubong sang *illegal possession of firearms and explosives, homicide, murder*, kag paglapas sa Anti-terrorism Act.

Target ang bulnerable nga kababae

Hungod nga ginatarget man ang mga nagabusong ukon bag-o lang nagbata nga ginasuspetsuhan nila nga Pulang hangaway ukon asawa sang Pulang hangaway. Bisan ang lapsag indi luwas sa pag-abdak sang mga militar.

Sadtong Enero 13, 2021, mga alas-2 sang kaagahon, ginsulod sang mga soldado halin sa 79th IB ang balay nanday Edwin kag Marlyn Madin sa barangay San Fernando, Talisay City, Negros Occidental kag gin-abdak ang sadto 2-bulan nga lapsag nga si Baby Marx Cairo Salino. Gingamit nga *hostage* sang AFP ang lapsag agud pwersahon ang iya mga ginikanan nga myembro sang Bagong Hukbong Bayan nga magsurender. Tubtob subong gindingot sang DSWD ang kustodiya ni Baby Marx sa iya lolo kag lola, suno sa mando sang AFP.

Sa pagsingki sang pang-ekonomiya kag pangpulitika nga krisis sa pungsod, mas nagasingki ang kalakasan nga gina-antus sang mga kababae. Kag sa pagsingki nga ini, pat-od nga mas magdamo pa ang kababae nga magtindog agud tapuson ang pyudal-patriyarkal kag burges-dekadenteng sistema.

Suno sa Makabayang Kilusan ng Bagong Kababaihan, 65 ka tuig pagkatapos nga patyon ang mag-utod nga Mirabal, labi pa nga nangin mas signipikante kag malahalang ang rebolusyon. Solo ang armadong pakig-away nga may sosyalistang perspektiba ang nagapabilin nga desaysibo nga banas agud tapuson ang kapintas base sa kasarian tubtob sa lubos nga kahilwayan sang kababae. AB